

mainatges d'òc **PLUMALHON**

(5,70 €)

ISSN 1264-6733



Legionaris romans e vilatge gallés



Pòl Emili



Gorrin e Pipaut

L'agaça de mar manja de cauquilhatges.



Tèxte e fotografias de Fred Lavail

L'agaça de mar

Es un aucèl que poiràs veire pausat sus un ròc en bòrd de mar.

Lo coneisseràs a son bèc roge. Es una agaça de mar.

A la pluma un pauc coma las agaças, negra e blanca. Lo bèc, l'a long e roge, coma las patas tanben.

Lo bèc es un esplech mannat per furgar dins la limpa en cèrca de vèrms. Tot còp, coma sus la fotografia, son dos a aver trobat lo meteis vèrm, alara, an bregas.

Mas aquel bèc es fòrt tanben, que pòt copar la clòsc d'un cauquilhatge. De còp en còp, l'agaça de mar se carra de manjar de muscles, de besordas e autres cauquilhatges.



L'agaça de mar fa de 40 a 45 cm de longor e lo sol bèc mesura 8 o 9 cm.

Lo nis de l'agaça de mar es pas gaire elaborat.



L'as agaças de mar vivon longtemps. Dison que pòdon arribar a 35 ans.



L'os joves an pas lo bèc plan roge encara. La poncha es pus escura e los uèlhs son marrons.

Coma plan aucèls, las agaças de mar lor agrada de se trempar dins l'aiga qu'es pas tròp prigonda e de s'esposcar. Quand son lassas de cercar per manjar se van ajocar sus un ròc e se meton lo bèc jos l'ala. Tenon l'uèlh dubèrt ça que la e s'avisan de tot çò que se passa sus la riba.

